



ANG Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Bayan

Espesyal nga Isyu

Disyembre 26, 2022

Edisyong Hiligaynon

Jose Ma. Sison

Pebrero 8, 1939 - Disyembre 16, 2022



Ka Julie sa haya ni Ka Joma sa Utrecht, The Netherlands, Disyembre 19, 2022

Indi malutos ang demokratikong
rebolusyon sang pumuluyong Pilipino 3

Permi Ninyo Akong Upod 14

Ang Gerilya katulad sang Mamalaybay 15

Resolusyon sang Ikaduha nga Kongreso
sang Partido Komunista ng Pilipinas 16

Mabuhi ang handumanan ni Ka Joma!
Pabaskugon ang Partido kag isulong
ang rebolusyon! 22

Ginbantala sang
Komite Sentral
Partido Komunista ng Pilipinas

Puno sang kasubo nga ako na ang magapagwa sang ulibi kag katapusan nga mensabe sang akon bana sa mga rebolusyonaryong pwersa kag pumuluyo sa ika-54 anibersaryo sang Partido Komunista ng Pilipinas. Ginsuguran niya nga talakayon sa akon ang balayon kag pagsulat sang mensabe pila ka adlaw isa ka bulan na ang nagligad pagkatapos lang makagwa sa ikaduha niya nga pagka-ospital sang Nobyembre kag antes magsugod ang ikatlo kag ulibi nga pagka-ospital niya sang Nobyembre 28. Ginsulat niya sa papel ang unang borador, nga ginsulod ko sa kompyuter nga iya liwat ginbasa kag duha ka beses nga ginkay-o para mahim-os ang ulibi nga borador nga ini.

Mga kinse minutos antes ang ulibi nga ginbawa ni Joma, bahin gihapon sa pagsiguro sang pagdaug sang rebolusyon kag pag-abante sang sosyalismo ang iya mga ginabambal. Tubtob sa ulibi niya nga pagpamensar may pagsalig siya sa pumuluyong Pilipino nga iya gin-alagaran sang bug-os kalig-on.

Juliet de Lima Sison
Disyembre 20, 2022

INDI MALUTOS ANG DEMOKRATIKONG REBOLUSYON SANG PUMULUYONG PILIPINO

Jose Maria Sison
Tagapundar nga Pangulo
Partido Komunista ng Pilipinas
Disyembre 26, 2022


Humalin sang liwat nga tukuron ang Partido Komunista ng Pilipinas sadtong Disyembre 26, 1968 kag ang gilayon nga pagtukod sang Bagong

Hukbong Bayan sadtong Marso 29, 1969, ang reaksyunaryong rehimen sang sistemang malakolonyal kag malapyudal sa Pilipinas (halin panahon ni Ferdinand Marcos Sr tubtob subong) naggamit kag nagpatuman sang estratehikong pang-operasyon nga plano para waskon ang demokratikong rebolusyon sang pumuluyong Pilipino.

Apang permi nga lubos nga napaslawan ang mga estratehikong “oplan” kag sa baylo nagresulta sa signipikanteng pagdaku sang rebolusyonaryong hublag. Ginpapanaugan pa sang pasistang diktadurya ni Marcos ang banwa sadtong 1972 tubtob 1986 sa tabon sang pagtapna sa PKP kag sa armadong rebolusyon, “pagsalbar sa republika kag pagtukod sang bagong lipunan.” Pero ang pag-agaw niya sang gahum labi lamang nga nagpapagsik kag nagpadasig sa tanan-nga-bahin nga pagdaku sang rebolusyonaryong hublag sa bilog nga pungsod. Sang ulihi, ginhatagan-inspirasyon kag ginsuportahan sang armadong rebolusyon ang mga pangmasang pag-alsa sang banwa sa Metro Manila kag bilog nga pungsod agud patalsikon sa poder ang pasistang diktadurya.

Gintilawan nga gamiton sang paltik nga mga liberal nga demokratikong rehimen nga nagsunod sa pasistang diktaduryang Marcos ang taga-tagsa nila ka pangmilitar nga estratehikong “oplan” gamit ang mga taktika sang pagpaniplang, lakip ang pagtanyag sang malawigan nga untat-lupok kag sugilanon pangkalinungan nga wala ginalubad ang mga ugat sang armadong inaway o gera sibil. Tanan nga reaksyunaryong rehimen nagsalimuang sa handum nga dugmukon ang rebolusyonaryong hublag kag ipabilin ang indi matarung nga nagaharing sistema sang pagpamigos kag pagpanghimulos.

Anuman nga oras ginagamit ang baraha sang kontra-terrorismo agud atrasaron, suspendihon o tapuson ang sugilanon pangkalinungan, sa pihak sang mga mayor nga gintingub nga kasugtanan sa tunga sang Gubyerno sang Republika sang Pilipinas kag sang National Democratic Front of the Philippines pareho sang The Hague Joint Declaration sadtong 1992 bilang balayon sang sugilanon pangkalinungan kag sang Comprehensive Agreement on Respect for



Human Rights and International Humanitarian Law sadtong 1998.

Sa pihak sang sugilanon pangkalinungan, kada reaksyunaryong rehimen naghimo sang mga pagpamatay sa mga kadre kag katapu sang rebolusyonaryong hublag. Sang madakup sang BHB si General Obillo sang reaksyunaryo nga armadong kusog sa idalom sang CARHRIHL kag internasyunal nga layi sadtong 1998, gilayon sini nga gindeklarar ang kahandaan nga hilwayon siya bilang bihag sa gera pagkatapos mahisugtan ang luwas nga proseso sang paghilway sa iya. Pero padayon nga ginkaakig ini ni Estrada kag gingamit ang pagkadakup sa iya heneral agud mangin una nga reaksyunaryong presidente nga nagtapos sa sugilanon pangkalinungan sang Mayo 1999.

Makaligad siya pukanon sang pangmasang pag-alsa sang banwa sang 2001, nakig-areglo ang rehimeng Arroyo nga liwat buksan ang sugilanon pangkalinungan sang 2002, upod ang Royal Norwegian Government bilang *third-party facilitator*. Ugaling sang 2004, maathag na nga ginasunod sang rehimeng Arroyo ang dikta sang US nga atrasaron ang negosasyon sa sustantibong mga isyu kag wala-latid ini nga ginsuspendir kag naglunsar sang mas daku nga operasyon militar sa ngalan sang “whole-of-nation-approach.” Napaslawan gid ang mga operasyon militar nga dugmukon ang inaway banwa. Ang nabuang nga anti-komunista nga *defense secretary* nga sang ulihi nagpakamatay sang mabuyagyag ang iya korapsyon sa pag-uyat sa badyet sang militar kag pati sa pondo sa pagretiro sang mga upisyal kag tinawo sang AFP.



Upod ang nagtaliwan nga si Atty Romeo Capulong, anay abugado sang NDFP



I. LUBOS NGA PAGSABOTAHE SA SUGILANON PANGKALINUNGAN SANG GRP-NDFP

Apang ang pinakamalala sang magpresidente si Duterte. Nagpakuno-kuno siya nga pursigido makigsugilanon pangkalinungan ugaling ginatigayon niya ang isa ka todo-gera nga polisiya batuk sa rebolusyonaryong hublag paagi sa pagpalawig sang Oplan Bayanihan ni Aquino tubtob Enero 2017 sang ginsuguran nga ipatuman ang Oplan Kapayapaan. Sa baylo nga makig-isa sa NDFP sa paglubad sa mga ugat sang gera sibil paagi sa basehang reporma sa katilingban, ekonomya kag pulitika, nagkonsentrar siya sa indi importante kag tinonto nga mga taktika para iduso ang rebolusyonaryong hublag nga magsurender paagi sang pagpangayo sa demokratikong gubyerno sang banwa nga isurender ang lehitimo sini nga gahum, pagtanyag sang mga tiglawas sang PKP sa iya kabinete bisan wala pa sang kasugtanan pangkalinungan, kag pagkatapos kontrahon ang kaugalingon sang gin-upod ang BHB sa target sang iya proklamasyon nga layi militar batuk sa grupong Maute sa Mindanao sang 2017.

Pagkatapos mapaslawan sa makitid nga tuyo nga lansihon ang NDFP, nagpasugot si Duterte sa iya mga tinawo militar nga untaton ang seryoso nga sugilanon pangkalinungan sa NDFP paagi sang pagtuga sang gahud nga “lokalizado nga sugilanon pangkalinungan” nga ara sa idalom sang sarbeylans kag kontrol sang GRP. Nagsalimuang si Duterte kag mga upisyal sang AFP sa pagpadaku sang badyet sang militar para sa wala-kabulusgan nga korapsyon kag operasyon para sa

Upod ang asawa nga si Ka Julie, subong pangulo sang NDFP negotiating panel



Upod ang nagtaliwan nga si Fidel Agcaoili, anay pangulo sang NDFP negotiating panel



pag-*red-tag*, pagkugmat kag mga pagdukot, paghunong, pagtortur kag pagpatay sa iya mga kaaway sa pulitika. Gani, ginplatar ang basehan para tapuson ni Duterte ang sugilanon pangkalinungan sang GRP-NDFP sang Nobyembre 23, 2017 pagkatapos hayagan nga nagkonsulta kay US President Trump.

Ang pagtapos ni Duterte sa sugilanon pangkalinungan halin 2017 ginhimo indi lang bilang taktika sa negosasyon kundi umpisa sang permanente nga pagtapos sa sugilanon pangkalinungan. Masunod sini, ginhingadlan kag gintalana ni Duterte ang PKP kag BHB nga terorista sang Disyembre 5, 2017, kag ginsunod man ang NDFP, gintuga ang National Task Force to End Local Communist Armed Conflict (NTF-Elcac) kag ginhingalitan ang pandemya nga Covid-19 para tigayunon ang Anti-Terror Law (ATL) sa tandu-tando nga Kongreso kag tukuron ang Anti-Terrorism Council para ipaidalom liwat ang Pilipinas sa terorismo sang estado o pasistang diktadurya, patarasak nga lapason ang pungsodnon kag demokratikong mga kinamatarung sang banwa kag hatagan-dalan ang pagtraidor, tiraniya kag pagpangawat sang mga ara sa gahum.

Sa anti-nasyunal kag anti-demokratikong balayon nga ini, ginpasa ni Duterte ang reaksyunarong gubyrno kag nagaharing sistema sa magpartner Marcos Junior-Sara Duterte paagi sa lubos nga pagkontrol sa *automated* nga sistemang eleksyon kag paghimo sang 20 milyong boto pabor sa magpartner kag mga kandidato sa Kongreso kag lokal nga pwestong ehekutibo. Ang nagaluntad subong nga rehimeng Marcos-Duterte ara sa idalom sang dikta sang imperyalismong US kag sang mga daku nga kumprador-kapitalista nga interes sang mga dinastiyang Marcos kag Duterte kag magapatawad kag magapadayon sa higante nga mga krimen sang nagligad nga rehimen tubtob sa panahon nga masarangan na sang pwersang oposisyon, rebolusyonaryong hublag kag malapad nga masa sang pumuluyo, nga maghulag para bag-uhon ang sitwasyon sa Pilipinas.

Samtang, magaantus ang pumuluyong Pilipino sa nagataas nga lebel sang pagpamigos kag pagpanghimulos bangud sa nagalala nga permanenteng krisis sang nagaharing sistema kag mga polisiya nga kontra-pungsodnon kag kontra-

demokratiko nga magpartner Marcos-Duterte. Adlaw-adlaw, ginaantus, ginasupak kag ginabatuan nila indi lang ang madugo nga pagbato sa tawhanong kinamatarung, kundi lakip ang peke nga mga balita sang kampanyang saywar sang mga ara sa gahum nga isurender na sang pumuluyong Pilipino kag ila mga rebolusyonaryong pwersa ang rebolusyonaryong paghimakas para sa pungsodnon nga kahilwayan kag demokrasya.

Lubos nga kabutigan nga nagagamay kag nagakalutos ang mga rebolusyonaryong pwersa sang banwa kag ang mga Pulang kadre, kumander kag hangaway—lunsay natilawan kag ginpanday sa masobra 54-tuig sang madinalag-on nga inaway banwa—madamuan nga nagakalamatay kag nagakadakup sa mga nakapokus nga operasyon militar o nagasulurender bangud sa mga solusyon nga panghampol pareho sang naputos sa korapsyon nga Enhanced Comprehensive Local Integration Program, Community Support Program kag Barangay Development Program. Pero nagapangayo gihapon nga nagapangayo ang nagaharing guban kag mga suluguon nga militar sang mas daku nga pondo pangpubliko indi lang para atakehon ang pumuluyo



Ginhugyaw sang mga Pulang hangaway sa Negros ang kabuhi ni Ka Joma, Disyembre 19, 2022

kundi para man makabulsa sang mas daku nga bahin sang badyet militar.

Ang matuod, upisyal nga gin-ako sang reaksyunaryong armadong pwersa nga nagbaskog ang BHB sa panahon sang rehimeng Duterte. Sa pagtapos sang rehimeng Aquino II sang Enero 2016,

sang ginhambal nila nga madinalag-on ang Oplan Bayanihan, gin-anunsyo nila nga 3,900 na lang ang numero sang kumander kag hangaway sang BHB. Subong, ginahambal nila sa pagtapos sang rehimg Duterte nga napasurender nila ang halos 24,000 Pulang hangaway. Wala ginahungod nga ginahayag nila ang kaugalingon nila nga mga tuman ka butigon kag makawat sang badyet kag ginaako nga naglapad pa gani ang BHB sa panahon sang rehimg Duterte.

II. NGAA INDI MALUTOS ANG DEMOKRATIKONG REBOLUSYON SANG BANWA

Indi malutos ang demokratikong rebolusyon sang pumuluyong Pilipino bangud matarung kag kinahanglan ipakigbato kag agumon ang pungsodnon nga kahilwayan kag demokrasya batuk sa tatlo ka malaut nga pwersa sang dumuluong nga monopolyong kapitalismo, lokal nga pyudalismo kag burukrata kapitalismo sa madasig nga nagakadunot nga katilingban nga malakolonyal kag malapyudal. Ini nga bag-ong demokratikong rebolusyon pagpadayon sang daan nga demokratikong rebolusyon nga ginsuguran sadtong 1896 sang Katipunan nga nagmadinalag-on batuk sa kolonyal nga pagginahum sang Espanya ugaling nalutos sa gerang agresyon sang US nga nag-umpisa sadtong 1898. Sa panahon nga ini, ang nagapamuno nga sahi sa rebolusyon indi na ang liberal nga burgesya kundi ang proletaryado sa panahon sang modernong imperyalismo kag proletaryong rebolusyon.

Samtang ang nasambit nga tatlo ka pwersang malaut nagahari kag nagaulipon sa pungsod Pilipinas, nagapabilin nga matambok ang duta para magbaskog kag magsulong ang demokratikong rebolusyon sang banwa. Ang permanenteng krisis sang nagaharing sistema nagalala indi lang bangud sa mga paktor sang pagpanghimulos kag pagpamigos sa sulod sang Pilipinas kundi sang pangkalibutanon nga sistemang kapitalista, pangunahon ang monopolyong kapitalismong US. Mapalad ang Pilipinas nga may ara ini nga manggaranon nga dunang resorsa para sa kaugalingon nga pag-uswag, pero sa malain nga palad, permi nagahilisugot ang mga imperyalistang gahum kag ang ila mga reaksyunaryong papet nga himuslan ang barato nga kusog-pangabudlay sang masang anakbalhas nga mga mamumugon kag mangunguma



Pagpasidungog sang mga Pulang hangaway kay Ka Joma, Disyembre 19, 2022

kag ang manggaranon nga dunang resorsa sang pumuluyo.

Sa kada mayor nga liso sang polisiya pang-ekonomya sini sa East Asia, permi ginasiuro sang imperyalismong US nga punggan ang pag-uswag pang-ekonomya paagi sa tunay nga reporma sa duta kag pungsodnon nga industriyalisasyon sa Pilipinas. Nakita naton ang amo nga penomenon sang ginpaburan sang US ang rekonstruksyon kag pagpalapad sang ekonomya sang Japan pagkatapos sang Ikaduha nga Gera Pangkalibutanon kag ang pag-uswag sang ekonomya sang mga “tigre nga ekonomya” para magserbi nga anti-komunista nga unang kubay sang Cold War kag sang ginatib-ong sini ang neoliberal nga pagtuwang sa China tubtob sa subong nga pag-utod kag pagpabaskog nga kumpetisyon pang-ekonomya kag ribalan sa pulitika.



21-gun salute sang mga hangaway sang BHB-Central Luzon para kay Ka Joma

Sa gindalagan sang pinakamalapit nga neoliberal nga pakigbuligay sa China, ginabuyok kag ginapahanugutan sang US kag mga puno nga papet sang Pilipinas ang China nga pagpasilabot sa West Philippine Sea para may rason ang US nga likawan ang pagdumili sa konstitusyon sa mga dumuluong nga base militar kag pwersa sa Pilipinas paagi sang Enhanced Defense Cooperation Agreement para pahanugutan ang mga pwersang militar sang US nga may ara nga eksklusibong mga base kag pasilidad sa sulod sang mga kampo kag reserbasyon militar sang reaksyunaryong armadong pwersa. Pero subong, maathag ang pagpakigbanggi sang US sa China sa pagdambong sa dunang manggad sang Pilipinas kag sang bilog nga ASEAN.

Labaw sa san-o man pursigido ang China nga uyatan ang iya mga artipisyal kag militarisadong isla sa West Philippine Sea bangud ang kaugalingon sini nga eksplorasyon sa idalom sang dagat nagapakita nga may ara nga indi magnubo sa \$26.3 trilyon nga balor sang gas, sobra sa kinahanglanon para ipatuman ang tunay nga reporma sa duta kag industriyalisasyon sang Pilipinas, kag sini matuman ang pangunahon nga ginapangayo nga sosyo-ekonomiko sa sugilanon pangkalinungan sang GRP-NDFP. Sa pihak sang tanan nga pagpakasanto kag nagainggat nga mga tinaga sang pagbulig sa pag-uswag sang ASEAN kag pagbuhin sang *carbon emission* paglab-ot sang 2030, nagapursiger ang China nga agawon ang manggad nga gas, pangdagat kag iban pang dunang resorsa sang pumuluyong Pilipino sa West Philippine Sea.

Bangkrap ang ekonomya kag guberno sang Pilipinas bangud sa internal nga balatian sini kag sa indi pa matupungan nga krisis sang pangkalibutanon nga sistemang kapitalista. Bangud sa tuman nga

korapsyon, pangkonsumo nga nakasandig sa importasyon kag sobrang gastos militar, masobra duha ka pilo nga ginpadaku sang rehimeng Duterte sa sulod sang anum ka tuig pakadto sa ₱12.6 trilyon ang pangpubliko nga utang sang Pilipinas nga ₱5.9 trilyon nga natipon halin 1902. Ginbuligan niya si Marcos Jr paagi sa pagpeke sang 20 milyong boto sang nagligad nga eleksyon, pero daku nga problema ang ginhatag kon sa diin mangita sang ₱1.6 trilyon para magbayad sang amortisasyon kag interes agud suportahan ang ₱5.2 trilyong badyet sa 2023.

Ginatay-og subong ang Pilipinas sa tuman kalain nga kondisyon sang depresyon pang-ekonomya, pagbagsak sang eksport sang hilaw nga materyales kag kusog-pangabudlay, pagbuhin sang kita sa buhis kag istrikto nga internasyunal nga pantang. Tuman kadalom sang pagbagsak sang produksyon kag empleyo. May sobrang pagbagsak sa produksyon sang pagkaon, lakip ang bugas, mga utanon kag isda, kag nagatimbuok nga implasyon. Pero ginapalapta sang nagaharing guban nga magpartner Marcos-Duterte ang masakit nga lahug nga pwede naman magbatal ang pumuluyo sang imported nga pagkaon, sa pihak sang daku nga pagbagsak sang kita bangud sa pag-eksport sang hilaw nga materyales kag barato nga kusog-pangabudlay.

Akig katama ang pumuluyong Pilipino nga ang duha sa pinakamalaut nga dinastiya pangpulitika (mga Marcos kag Duterte) ang nagahari sa Pilipinas, wala sang solusyon sa basehang problema sang banwa, samtang imbolbado sa pinaka-iskandaloso nga porma sang korapsyon (halimbawa, ang wala ginakwenta nga pondong *confidential* kag pang-intelidyens) kag pagdaku sang badyet sang militar para kugmaton ang pumuluyo kag tapnaon ang pagbato sang masa sa pihak sang linyang saywar nga dugmok na ang mga rebolusyonaryong pwersa o ang aktwal nila nga kusog lima ka prenteng gerilya na lang sa bilog nga pungsod.

III. PADAYON NGA MAPASLAWAN ANG ARMADONG KONTRA-REBOLUSYON

Padayon nga mapaslawan ang ginahimo nga armadong kontra-rebolusyon sang nagahari nga magpartner Marcos-Duterte bangud ginahimo

nga imposible sang obhetibong kahimtangan sang madasig nga nagalala nga krisis sang nagaharing sistema para maghari sa daan nga paagi ang mga nagaharing sahi nga mga daku nga kumprador kag agalon nga mayduta kag ila mga burukrata (paltik nga liberal man o pasista nga pamaagi); kag bangud ang mga suhetibong pwera sang rebolusyonaryong hublag kag ang malapad nga masa sang pumuluyo ang tunay nga nagatipon sang kusog kag nagasulong sang bag-o nga demokratikong rebolusyon sa idalom sang makasahi nga pagpamuno sang proletaryado kag sandig sa pangkabilugang linya sang malawigan nga inaway banwa.

Bilang abanteng destakamento sang proletaryado, dalagku ang naagum sang PKP sa iya hilikuton sa ideolohiya, pulitika kag organisasyon. Ginaubayan ini sang teorya kag praktika sang Marxismo-Leninismo-Maoismo kag ginasapraktika ini sa kasaysayan kag subong nga kahimtangan pangkatilingban sang pumuluyong Pilipino. Ginaabante sini ang pangkabilugang linya sang demokratikong rebolusyon sang banwa nga may



Mga hangaway sang BHB halin sa North Central Mindanao nakapormasyon para sa 21 gun salute nga halad kay Ka Joma

estrategikong linya sang malawigan nga inaway banwa kag may perspektibang sosyalista. Ginatibong sini ang prinsipyo sang demokratikong sentralismo kag gintukod ang pungsodnon nga organisasyon nga maayo nga nakaintegrar sa masang anakbalhas nga mga mamumugon kag mangunguma kag iban pang bahin sang pumuluyo.

Imposible nga mapunggan sang reaksyunaryong estado ang mga kadre sang PKP nga ipatuman ang ila mga katungdanan sa hilikuton ideolohiya. Sa paglipas sang mga tuig kag dekada, sa pagpanguna sang Rebolusyonaryong Eskwelahan sang Kaisipang Mao Zedong, nakahatag edukasyon sila sa mas madamo pang kadre kag katapu sang Partido sa dalagan sang pagtungod sa hilikuton masa kag napaagi sila sa basehan, intermedya kag abanteng lebel sang edukasyon sang Partido pagkatapos makuha ang rebolusyonaryong pagtulun-an pangmasa para sa mga aktibistang masa.

Tuman kadamo nga pamaagi nga matigayon ang mga rebolusyonaryong pagtuon nga indi sarang matiktikan sang kaaway kag tuman kadamo subong nga magamit sa pagtuon nga nakaimprenta man o *digital*.

Sa ila paghimakas para sa pungsodnon kag pangkatilingban nga paghilway, ginakabig sang pumuluyong Pilipino ang PKP bilang pinakaimportante nga rebolusyonaryong hinganiban para sa pagpamuno sa demokratikong rebolusyon sang banwa. Sa bahin sini, ginagamit sang PKP ang duha ka makagagahum nga armas, ang armadong paghimakas kag nagahiliugyong prente (sa porma sang Bagong Hukbong Bayan kag sang National Democratic Front of the Philippines). Ang BHB ang pangunahon nga pwera para sa pagbato kag paglutos sa mapiguson nga aparato sang reaksyunaryong estado kag para matukod ang bag-ong demokratikong gubyerno. Ang NDFP ang responsable sa pagtukod sang kumprehensibo nga pungsodnon nga nagahiliugyong prente kag paghabig sa minilyon nga pumuluyo sa bahin sang rebolusyon batuk sa armadong kontra-rebolusyon.

Ginapatuman sang BHB ang estrategikong linya sang malawigan nga inaway banwa sang pagpalibot sa kasyudaran halin sa kaumhan. Sa malakolonyal kag malapyudal nga pungsod pareho sang Pilipinas, makita sa kaumhan ang pinakamalapad nga posibleng pangkatilingban kag pisikal nga tereyn kag erya para sa maniobra para sa pagpabaskog sang hangaway sang banwa sa pag-agi sa pat-ud nga mga estrategikong halintang pareho sang depensiba,

pagkapatas kag kontra-opensiba. Kadam-an sang mga tawo ara sa kaumhan. Kag ang pangunahon nga demokratikong kaundan sang inaway banwa amo ang rebolusyong agraryo, nga nagasabat sa pangunahon nga demokratikong demanda para sa duta.

Katungdanan nga isulong sang BHB ang armadong paghimakas bilang pangunahon nga porma sang pagbato, ginapatuman ang tunay nga reporma sa duta halin sa minimum padulong maksimum nga lebel kag tukuron ang rebolusyonyong baseng masa. May mayor nga papel ini sa pagtukod sang mga organisasyong masa kag mga organo sang gahum pangpulitika nga nagatukod sang demokratikong gubyrno sang banwa, kag pagpasulong sang mga kampanyang masa para sa edukasyon kag organisasyon, reporma sa duta kag kauswagan sosyo-ekonomiko, pagdepensa-sa-kaugalingon, paglubad sa mga problema, pag-amlig sa kapalibutan kag iban pang importanteng hilikuton.

Sandig sa halintang sang estratehikong depensiba, nangin madinalag-on ang BHB sa pagsulong sang inaway banwa paagi sa pagpakig-away gerilya sa basehan sang nagapalapad kag nagapadalom nga baseng masa. Ginapahanugutan sini ang BHB nga magtukod sang mga prenteng gerilya sa umpisa sa pila ka erya kag rehiyon kag sang ulihi sa napulo'g isa nga mayor nga isla nga ginapuy-an sang 94% sang pumuluyo. Subong, nagahulag ang BHB sa 74 sa 82 prubinsya sang Pilipinas kag nagaangkon sang suportang pumuluyong Pilipino kag sang NDFP sa tanan nga prubinsya sang Pilipinas.

Ginapabugal sang kada reaksyunaryong rehimen nga sarang sini nga dugmukon ang armadong rebolusyon sa sulod sang termino sang sin-o man nga presidente. Pero ginatakdaan ang ikasarang sini nga kontrolon ang populasyon kag tapnaon ang pagbato sang banwa sang malakolonyal kag malapyudal nga kinaiya sang nagaharing sistema kag sang nagapalala nga nagapalala sini nga permanenteng krisis. Anuman nga oras, hilway ang BHB kag iban pang rebolusyonyong pwera nga maghulag kag maglunsar sang mga taktikal nga opensiba sa masobra 80% sang bilog nga kapuluan sang Pilipinas.

Siyempre, himuon sang reaksyunaryong armadong pwera kag pulis ang tanan nga masarangan nila agud tumuron ang mga prenteng gerilya sang BHB kag itarget sang nakapokus o konsentrado nga mga kampanyang militar. Pero lubos nga nangin bentaha sa BHB ang estratehiya kag taktika sang pagpakig-away gerilya. Kon nagaabante ang superyor nga



Magmarisa sang mga organisasyong masa sa sulod sang UP-Diliman bilang pasidungog kay Ka Joma, Disyembre 19, 2022

pwera sang kaaway, nagaatras ang pangunahon nga pwera sang BHB pero nagaplastar sang mga *command-detonated* nga *land mine* kag mga tim sang mga isnayper batuk sa nagaabante nga kaaway. Kon ginsulod kag gin-uyatan sang kaaway ang isa ka erya sang prenteng gerilya, ginapanilagan sang BHB ang pakat sang kaaway agud hibal-on paano iharas ang kampo sang kaaway, birahon ang mga gwardya sa perimetro kag ambuson ang mga yunit nga nagapatrulya.

Kon ang nagakampo nga kaaway nakapoy kag nagaatras, BHB naman ang magaabante kag magadala sang mas opensiba nga pagbira. Pero samtang daw nakabentaha ang kaaway sa pag-abante kag pagkampo, ang pwera sang BHB nga taktikal nga nag-atras sa isa ka prenteng gerilya mahimo nga maglunsar sang mga taktikal nga opensiba nga sarang sini mapadaug sa mga kaiping nga lugar. Pinakamalain para sa kaaway, pareho sang kinaandan nga nagakatabo, sa madamo nga prenteng gerilya sa isa ka rehiyon kag sa tanan nga iban pang rehiyon, pwede nga kuhaon sang BHB ang inisyatiba sa paglunsar sang mga taktikal nga opensiba paagi sang pagpabaskog sa ila kaugalingon sa paghimakas kag pagbulig sa mga prenteng gerilya nga ara sa pokus o konsentrado nga atake sang kaaway.

Sa kabilugan sang iya kasaysayan, maayo kag madinalag-on ang PKP sa pagtukod sang pungsodnon nga kusog sang mga rebolusyonaryong pwersa paagi sa pagpamuno kag pagkoordinar sa ila sa nagkalainlain nga porma sang paghimakas kag, sa patag sang rebolusyonaryo nga armadong paghimakas, paggamit sang isa ka nagatindog nga prenteng gerilya sa isa ka rehiyon kag maghatag sang eksperensyado nga mga kadre sang PKP kag kumander kag hangaway sang BHB sa iban nga mga rehiyon.

Ang nauna nga prenteng gerilya sa Tarlac sadtong 1969 naglab-ot sa pagtukod sang pila ka prenteng gerilya sa Central, Northern kag Southern Luzon halin 1969 tubtob 1971 kag ang daku nga balod sang mga hubon sa ekspansyon sang PKP-BHB sa Visayas kag Mindanao halin 1972. Kag sa dekada man sang 1970, ang mga prenteng gerilya sa Visayas kag Mindanao kag nagpadala man sang mga eksperensyado nga kadre sang PKP kag kumander sang BHB sa Luzon. Tuman kadalom nga nakapang-ugat ang PKP, BHB kag NDFP sa bilog nga pungsod kag hugot nga nakasimpon sa masang anakbalhas nga mga mamumugon kag mangunguma kag iban pang bahin sang pumuluyo.

IV. GINALANTAW NGA DEMOKRATIKONG REBOLUSYON SANG BANWA

Ang demokratikong rebolusyon sang banwa sa Pilipinas ara sa halintang sang estratehikong dependensiba, nagaabante sa natunga nga bahin padulong sa abante nga bahin. Sa kongkreto, pagpakig-away gerilya ang pangunahon nga porma sang armadong paghimakas nga ginasulong sa bilog nga pungsod. Kadungan sini, nagtuhaw ang mga kumpanya sang BHB halin sa mga platun bilang preparasyon para sa pagkumpleto sang estratehikong dependensiba kag magsulong sa estratehikong pagkapatas kon sa diin ang mga kumpanya kag batalyon magangkong sang mas daku nga papel sa mga taktikal nga opensiba.

Posible nga ang estratehikong pagkapatas nga may mga kumpanya kag batalyon sang BHB nga mas malip-ot sangsa malawigan nga estratehikong dependensiba. Ang mga pwersa nga ini nga ara sa mas malig-on na nga mga baseng erya pwedeng tipunon bilang mga rehimento kag batalyon sa mas malip-ot

nga panahon para sa estratehikong kontra-opensiba agud agawon o pwersahon ang pagsurender sang ulihi, pinakamabakod kag nahamulag nga pwersa sang kaaway. Ini isa lamang sa mga posible nga matabo nga mahimo nga matabo base sa mga nagdaug nga mga gera sibil. Pero may ara man nga baliskad nga pwedeng matabo nga magalunsar ang imperyalismong US sang gerang agresyon batuk sa pumuluyo antes magmadinalag-on ang rebolusyong Pilipino.

Pursigido ang reaksyunaryong magpartner nga Marcos-Duterte nga padayunon ang armadong kontra-rebolusyon para ipreserba ang nagaharing sistema, alagaran ang interes sang imperyalismong US kag gamiton ang subong nga gera sibil para hatagan-dalan ang gerang agresyon sang US. Wala sang mapilian ang pumuluyong Pilipino kundi isulong ang bag-o nga demokratikong rebolusyon sa pagpasulong sang malawigan nga inaway banwa indi lang batuk sa reaksyunaryong estado sa subong nga gera sibil, kundi batuk sa nagadaku nga pagpasilabot militar kag mahimo nga gerang agresyon sang imperyalismong US.

Ugaling may nagadaku nga limitasyon sa sarang himuon sang US para gamhan ang Pilipinas, East Asia kag ang bilog nga kalibutan. Ini gihapon ang Numero Uno nga gahum imperyalista pero ara sa estratehikong pagluya ini halin sa pinakamabaskog nga ginlab-ot sini pagkatapos nangin solo nga *superpower* pagkatapos sang pagbagsak sang Soviet Union sadtong 1991, pagtuwang sa China sa globalisasyon nga “neoliberal”, pagpalapad sang NATO, paglunsar sang mga gerang agresyon sa idalom sang ginatawag nga polisiya nga neokonserbatibo, kag pag-usik sang \$10 trilyon nga wala sang naangkon nga pagdaku sang pagahimuslan nga teritoryo.

Isa ka Pulang hangaway sa Northeast Mindanao nakabalita sa pagtaliwan ni Ka Joma



Ang latid sang gahum sang imperyalismong US nabuyagyag sa kapaslawan sini nga hugakumon ang manggad nga langis kag magtukod sang 16 ka base militar sa Iraq, waskon ang alyansang Syria-Russia-Iran, waskon ang rebolusyonaryong paghimakas sang pumuluyong Turkish kag Kurdish kag uyatan ang Afghanistan nga ginsurender sini sa Taliban. Sa subong nga kinagubot sa tunga sang Russia kag Ukraine, ginagamit sang US ang Ukraine bilang *proxy* para paandaman kag dabukan ang Russia nga maglunsar sang gera pero ang kinagubot naglab-ot lang sa pag-usik sang resorsa lunsay sang imperyalismong Russia kag US. Ginatulod man sini ang mga alyado sang US sa NATO nga nagareklamo kon ngaa dapat sila maggasto sang mas daku para sa suplay sa enerhiya halin sa US sangsa barato nga langis halin sa Russia.

Sa pihak sang sini lang nga gahud nga nagahambal nga sarang maglunsar ang US sang gerang agresyon pabor sa iya batuk sa China, DPRK kag Russia, dapat pahanumdumon ang pumuluyo nga nadula sa US ang kontrol sini sa *mainland* Asia kag Eurasia sadto pang ika-20 siglo pagkatapos malutos sa serye sang mga gera. Ang handum sang imperyalismong US para sa gerang agresyon kag ang peligro sang pangkalibutanon nga gera kag gerang nukleyar ginapunggan pa sang kahadlok nga pareho nga magkaubusan kag pagkaubos sang tawo sa bahin sang US kag iban pang may gahum nukleyar. Mas daku nga pamahug pa sa sangkatawhan subong ang *global warming* sangsa gerang nukleyar.

Madasig nga nagalala ang krisis sang pangkalibutanon nga sistemang kapitalista bangud sa sobrang akumulasyon sang monopolyong kapital kag sobra nga pagpanghukhok sang sobra nga balor halin sa sahing anakbalhas kag intelihensya. Nagasingki ang tanan nga mayor nga kontradiksyon pareho

sang sa tunga sang pagtrabaho kag kapital, sa tunga sang mga imperyalistang gahum, sa tunga sang mga imperyalistang gahum kag sang pigos nga pumuluyo kag pungsod kag sa tunga sang mga imperyalistang gahum kag mga



Ang Bayan Espesyal nga Isyu



Pasidungog sang mga internasyunal nga abyan sa Utrecht, Disyembre 23, 2022 para Ka Jorra

pungsod nga nagaduso sang pungsodnon nga kahilwayan kag nagahandum sang demokrasya kag sosyalismo.

Ang pagrudak sang sistemang pangpinansya sang 2008 naglala padulong sa isa ka pangkalibutanon nga depresyon nga labaw nga mas malawig kag mas grabe sangsa Great Depression sang dekada 1930 nga naglab-ot sa pagbaskog sang pasismo kag World War II. Pero sa subong, may ara pa nga UN kag mga *multilateral* kag *bilateral* nga relasyon sang mga estado sa tunga lunsay sang nagailinaway nga mga imperyalista kag mga pungsod sa ikatlong kalibutan nga nagatib-ong sa kaugalingon nila nga pungsodnon nga soberanya kag sa interes nila sa kalinungan kag pag-uswag nga nagatuyo nga batuan ang pasismo kag imperyalistang gera.

Ang masang anakbalhas kag bilog nga pumuluyo nga nagahimakas para sa pungsodnon nga kahilwayan, demokrasya kag sosyalismo batuk sa imperyalismo kag tanan nga reaksyon ang nagahatag sa aton sang paglaum para sa masanag nga buasadmlag sang pangkalibutanon nga kalinungan kag kauswagan para sa tanan. Nagasulong sila subong sang pangmasang paghimakas nga anti-imperyalista kag demokratiko batuk sa subong nga pangkalibutanon nga krisis nga ginbun-ag sang rebisyunistang pagtraidor sa sosyalismo, neoliberalismo kag pasismo. Ini ang pang-umpisa sa panibag-o nga paghagunos sang pangkalibutanon nga proletaryo-sosyalistang rebolusyon.

PERMI NINYO AKONG UPOD

Lawas nakakulong
Apang diwa ko hilway nagalagaw
Sa tanan nga rehiyon kag sona
Sa tanan nga tion.
Ang madugay ko na'ng ginahimo
Para sa rebolusyon
Di malupig sa isa ka bunal.
Kamo ang nagapadayon.
Sang ako dakpon,
Ang mga pwersang rebolusyonaryo
Malayo na ang nadangtan
Halin sa pila'ng ginsuguran.
Mangahas padayunon ang pagsaka.
Di pagtugutan pagkadasma sang isa
Mag-utod sa aton dungganong pagsulong.
Pataason pa pagbayaw sang banderang
pula.
Permi ninyo akong upod,
Sa inyong mga pagtuon, hilikuton
kag inaway
Permi ninyo akong upod,
Sa pagtungod hilikuton nga malahalon.
Ako kasalo ninyo
May sarang man o imol
Permi ako ara sa kubay
Sang martsa upod ninyo.
Sakupon ang bilog nga pungsod;
Lab-uton ang tanan nga pamusod;
Pangibabawan tanan nga kabudlayan;
Pat-uron ang aton kadalag-an.

26 Disyembre 1977

(Salhin halin sa English nga "I am Always with You")

ANG GERIL YA KATU LAD SANG MAMA LAYBAY

Ang gerilya katulad sang mamalaybay
Maanting sa pagkalas sang mga dahon
Sa pagkabali sang mga sanga
Sa mga balud sang suba
Sa baho sang kalayo
Kag sa abo sang pagtaliwan.

Ang gerilya katulad sang mamalaybay
Nakasimpon sa mga puno sang kahoy
Sa katalunan kag kabatuhan
Di maathag pero sigurado
Sampaton sa layi sang paghulag
Maestro sang linibo'ng larawan.


Ang gerilya katulad sang mamalaybay
Kasimpon sang naturalisa
Sang sutla'ng ritmo sang kaberdihan
Pangsulod nga kalinong, sa guwa inosente
Asero kapag-on sang kalig-on nga sulod
Nga nagasiyod sa kaaway.

Ang gerilya katulad sang mamalaybay
Gahulag upod sa maberdi nga masang
kayumanggi
Sa katalunan ginapadabdab sa pulang mga
bulak

Nga nagakorona kag nagapainit sa tanan,
Magahagunos sa kadutaan nga daw baha
Magamartsa sa katapusang away sa kuta.
Ang wala katapusan nga hublag sang masa,
Lantawa ang malawigan nga tema
Sang epiko sang banwa, ang inaway banwa.

1968

(Salhin halin sa English nga "The guerrilla is like a poet")



**Dungganon nga komunistang
mangin-alamon, lider, titser kag ubay
sang proletaryong Pilipino kag
tagatib-ong sang sulo sang
pangkalibutanon nga kahublagang
komunista**

RESOLUSYON sang IKADUHA nga KONGRESO
Sang Partido Komunista ng Pilipinas
Nobyembre 7, 2016



Ang Ikaduha nga Kongreso sang Partido Komunista ng Pilipinas (PKP) nagapaabot sang hugot sa

tagipusuon nga pagkilala kag nagpahayag sang pinakahimpit nga pagpasalamat kay Kaupod Jose Maria Sison sa iya daku nga kontribusyon sa rebolusyong Pilipino, tagapundar sang Partido, tagatukod sang Bagong Hukbong Bayan kag tagabandera sang Demokratikong Gubyerno sang Banwa sa Pilipinas.

Si Ka Joma isa ka nagapanguna nga Marxista-Leninista-Maoista kag wala sang kakapoy nga rebolusyonaryong hangaway. Gindapat niya ang materyalismong diyalektiko kag istoriko para ibuyagyag ang pundamental nga kinaiya sang malakolonyal kag malapyudal nga sistemang pangkatilingban sa Pilipinas. Nagpresentar siya sang matalom nga pag-analisa nga nagbuyagyag sa nagahimumugto, mahimuslanon kag mapiguson nga paghari sang daku nga burgesya kumprador kag daku nga agalon nga mayduta sa pagpakighimbon sa imperyalismong US.

Ginplastar niya ang programa para sa demokratikong rebolusyon sang banwa bilang gilayon nga paghanda para sa sosyalistang rebolusyon. Pirme siya nga nagatan-aw sa pinakakatuyuan sang komunismo.

Si Ka Joma ang tagahawan sang rebolusyonaryong dalan. Sang pamatan-on siya, nagpasakop siya sa mga pederasyon sang mamumugon kag nagbulig sa pag-organisa sang mga unyon. Gintukod ni Ka Joma ang SCAUP (Student Cultural Association of the University of the Philippines) sang 1959 para sakdagon ang pungsodnon nga demokrasya kag Marxismo-Leninismo kag ilunsar ang paghimakas pang-ideolohiya kag pangkultura batuk sa relihiyo-sektaryan kag anti-komunista nga mga pwera sa kubay sang mga estudyanteng intelektwal. Upod ang pareho nga proletaryong rebolusyonaryo, ginpangunahan niya ang mga pulong pagtuon para magbasa kag talakayon ang mga klasiko nga sinulatan Marxista-Leninista.

Sa idalom sang pagpamuno ni Ka Joma, nag-organisa ang SCAUP sang aksyong protesta sang Marso 1961 batuk sa pagpang-ipit sang Committee on Anti-Filipino Activities sang Kongreso nga nagtarget sa mga titser sang UP nga gin-akusar nga nagasulat kag nagabalhag sang mga balasahon Marxista nga lapas sa Anti-Subversion Law. Halos 5,000 estudyante ang nagpasakop sa demonstrasyon nga may anti-imperyalista kag anti-pyudal nga kinaiya, nga

pinakauna sa sulod sang masobra napulo ka tuig antes sini. Bangud diri, nangin target si Ka Joma sang reaksyunaryong kalakasan kag nakaluwas sa mga pagtuyo sa iya kabuhi. Wala malingkang, nagpadayon siya kag ang SCAUP sa paglunsar sang mga protesta batuk sa Laurel-Langley Agreement kag Military Bases Agreement kag kaangut nga iban pang mga isyu pareho sang reporma sa duta kag pungsodnon nga industriyalisasyon, kinamatarung sang mamumugon, kahilwayan sibil kag pangpulitika kag pagpakig-isa sa iban pang pumuluyo batuk sa agresyon sang US tubtob sang 1964.

Sang ulihi nagpasakop siya kag ang ibang proletaryong rebolusyonaryo sa daan nga gintingub nga Partido Sosyalista kag Komunista sang 1961. Bilang pagkilala sa iya nga kapagsik bilang komunista kag pamatan-on, gintalana siya nga pamunuan ang buru sa pamatan-on sang daan nga Partido kag ginpili nga katapo sang komite nga tagapagpatuman. Ginpangunahan niya ang mga pulong para tun-an ang mga klasikong sinulatan nanday Marx, Lenin, Mao kag iban pang dungganon nga komunista nga mangin-alamon nga nagserbi nga panghangkat sa lipas na nga tindog sang daan nga Partido.

Gintukod niya ang Kabataang Makabayan sang Nobyembre 1964 kag ginpamunuan ang pag-uswag sini bilang isa sa pinakaimportante nga organisasyon sang pamatan-on sa kasaysayan sang Pilipinas. Bilang pangulo sang KM, kag isa ka bataon nga propesor kag militante, naglibot siya sa mga kampus kag nagpamulong-pulong sa mga estudyante subong man sa mga pamatan-on nga propesyunal para iduso ang kakinahanglanon nga maglunsar sang isa ka pungsodnon-demokratikong rebolusyon. Ang iya mga pamulong-pulong gintipon sa libro nga Makibaka para sa Pambansang Demokrasya nagserbi nga isa sa mga pundasyon sang pungsodnon-demokratikong propaganda. Ang KM sang ulihi nagtindog sa unahan kag nangin bag-as sang dalagku

nga demonstrasyon masa sa ulihing bahin sang dekada 1960 tubtob sa deklarasyon sang layi militar sang 1972.

Bilang isa sa mga lider sang daan nga Partido, ginhandanda ni Ka Joma ang isa ka pangpulitika nga pahayag nga nagbuyagyag kag nagsikway sa rebisyunismo kag oportunistang sunod-sunod nga pagpamuno sang Lava subong man ang mga kasaypanan sang adbenturismo militar kag kapitulasyon sang hubon Taruc-Sumulong sa daan nga hangaway nga magahilway sa banwa. Naggaruk na ang daan nga Partido bilang isa ka hayagan nga rebisyunistang partido.

Bilang si Amado Guerrero, ginpamunuan ni Ka Joma ang liwat nga pagtukod sang Partido Komunista ng Pilipinas sa teoritikal nga pundasyon sang Marxismo-Leninismo-Maoismo. Ginhandanda niya ang konstitusyon sang Partido, ang Programa para sa Demokratikong Rebolusyon sang Banwa kag ang dokumento nga Tadlungon ang mga Kasaypanan kag Liwat nga Tukuron ang Partido kag ginpamunuan ang Kongreso sang Liwat nga Pagtukod nga ginhiwat sa Alaminos, Pangasinan sang Disyembre 26, 1968. Sang 1969, ginsulat niya ang Katilingban kag Rebolusyong Pilipino, nag-analisa sa malakolonyal kag malapyudal nga kinaiya sang katilingban nga Pilipino kag naghatag-kahulugan sa demokratikong rebolusyon sang banwa. Ginhandanda niya ang Sandigan nga Pagsulundan sang Bagong Hukbong Bayan kag ang Deklarasyon sang Bagong Hukbong Bayan kag ginpamunuan ang Pulong sang mga Pulang Kumander kag hangaway para tukuron ang Bagong Hukbong Bayan (BHB) sang Marso 29, 1969.

Ginpamunuan niya ang Partido sa temprano nga halintang sang pag-uswag sini. Ginsulat niya ang Ubay Pang-organisasyon kag Balayon sang mga Pahayag sang Abril 1971 kag ang Rebolusyonaryong Ubay sa Reporma sa Duta sang Septyembre 1972 nga

Ka Joma kag Ka Julie (pangatlo nga kubay sa likod ni Chairman Mao kag Premier Zhou Enlain) sa pag-upod sa ika-25 anibersaryo sang Yanan Forum sa China, ginbantala sa People's Daily sadtong Mayo 8, 1967





Mga myembro ng Kabataang Makabayan nagraling-iglap noong Disyembre 21, 2022

pareho nagserbi sa pagderiher sa hilikuton sa pagtukod sang mga organisasyong masa, mga organo sang gahum pangpulitika, mga yunit sang hangaway sang banwa kag Partido, subong man sa pagpahulag sa mga mangunguma sa paglunsar sang rebolusyong agraryo. Ginsulat niya ang Pauna nga Pahayag sa North Luzon sang Agosto 1970 nga nagserbi nga ubay sa hilikuton sang iban pang mga komite sa rehiyon.

Samtang ginaderiher ang pagpauswag kag paghanas sa Bagong Hukbong Bayan halin sa nauna nga base sini sa Central Luzon pakadto sa mga kagulangan sang Isabela sa Cagayan Valley, gin-ubayan man niya ang mga aktibistang pamatan-on sa paglunsar sang paghimakas masa sa Metro Manila batuk sa diktaduryang US-Marcos.

Sige-sige nga nakasubaybay si Ka Joma sa rebolusyunaryo nga paghagunos sang kahublagan estudyante kag mamumugon sang 1970 kag 1971. Naglanog ang ngalan nga Amado Guerrero sa Maynila kag iban pang syudad kadungan sang mga panawagan nga magpasakop sa inaway banwa sa kaumhan.

Madasig nga nagdaku ang PKP sa unang mga tuig sini sa idalom sang pagpamuno ni Ka Joma. Gintukod sang Partido ang kaugalingon sa nagkalainlain nga bahin sang pungsod kag ginpamunuan ang pungsodnon nga pagsulong sang

rebolusyunaryo nga armadong paghimakas. Personal niya nga ginsubaybayan ang paghanas sa pulitika kag militar sang mga kadre sang Partido kag mga kumander sang BHB sa kagulangan sang Isabela kon sa diin naghaling ang mga gindeploy sa ibang mga rehiyon.

Sang 1971, ginpamunuan niya ang pulong sang Komite Sentral kag ginplatar ang Pagsuma sa Aton nga mga Inagihan Pagkatapos ang Tatlo ka Tuig (1968-1971). Ginhandaniya sang 1974 ang Partikular nga Kinaiya sang Aton Inaway Banwa sa lubos-kaathag nga naglatag sang estratehiya kag taktika sa paglunsar sang inaway banwa sa Pilipinas. Sang 1975, ginsulat niya ang Gilayon Naton nga mga Hilikuton, nga nagaunod sang pahayag kag programa sa paghulag sang Komite Sentral. Nagserbi siya nga punong editor sang Ang Bayan sa unang mga tuig sang publikasyon.

Samtang tago nga naghulag, padayon nga ginaubayan ni Ka Joma ang Partido kag BHB sa pagdaku sini sa idalom sang brutal nga pasistang rehimen sang layi militar sang diktador nga si Marcos. Nagpagwa siya sang mga pahibalo sa mga kadre sang Partido kag masang aktibista sa kahublagan nga tago. Puno sang inspirasyon nga makuha sa nagadabdab nga inaway banwa sa kaumhan, ginhangkat nila ang pasistang makinarya kag ginsulong ang pag-organisa sa kubay sang mga estudyante kag mamumugon.

Naglutok ang una nga welga sang mamumugon sang 1975 nga nagpaumpisa sa pag-uswag sang kahublagan mamumugon. Ginlunsar ang mga daku nga demonstrasyon sang mga estudyante halin 1977 batuk sa nagataas nga balayran sa eskwela kag ang nagausmod nga sistema sang edukasyon nga dalayon nagbuka sa kakugmat sang layi militar.

Padayon nga ginpamunuan ni Ka Joma ang pungsodnon nga pagdaku sang Partido tubtob 1977 sang naaresto sila ni Julie sang mabangis nga ahente sang diktaduryang Marcos samtang nagabyahe halin sa isa ka prente pakadto sa isa pa. Daw tropeyo siya nga ginhatag sang AFP kay Marcos. Gindetendir siya, ginpaidalom sa grabe nga tortyur kag ginbartolina sang masobra lima ka tuig nga nautod lang sang ginupod sila ni Julie sang 1980-1981, kag pagkatapos sini parsyal nga solitaryo ang pagkakulong upod ang isa o duha pa ka bilanggo pulitikal halin 1982-1985.

Samtang ara sa kulungan, nahimo ni Ka Joma nga ipabilin ang angut sa pamunuan sang Partido kag mga rebolusyonaryong pwera sa gwa paagi sa sikreto nga mga pamaagi sa komunikasyon. Sa pagbuligay nila ni Ka Julie, tubtob buhi nga katuwang kag kaupod ni Ka Joma, naghimo sila sang importanteng sulat kag pahibalo. Sang 1983, ginpagwa ni Ka Julie ang artikulo nga JMS Hinggil sa Moda ng Produksyon nga nagserbi nga teoritikal nga pagpaathag sa kinaiya sang malakolonyal kag malapyudal nga sistema pangkatilingban para isikway ang kagumon sa mga ginapabugal nga industriyalisasyon sang diktaduryang US-Marcos. Kontra-atake ini sa mga nagpakuno-kuno nga para sa sosyalismo, nga pilit nagasing nga nangin isa na ka pungsod kapitalista ang Pilipinas sa idalom sang pasistang diktadurya.

Nagtuhaw ang isa ka makagagahum nga nagahagunos nga anti-pasistang kahublagan masa masunod sang asinasyon ni Marcos sa karibal nga si Benigno Aquino sang 1983. Ginduso ini pangunahon sang kahublagan sang mamumugon kag estudyante nga nakalunsar sang demonstrasyon nga ginpasakupan sang 50,000 ukon masobra pa halin sa ulihing bahin sang 1970 tubtob 1980. Sang 1984, ginpagwa ni Ka Joma ang ginsulat nga Hinggil sa Papatalong Landas ng AFP gamit ang ngalan nga Patnubay Liwanag para tasahon ang balanse sang pwera kag para maghatag sang senyal o kumbensihon ang Pentagon nga mas maayo nga buy-an na si Marcos, nga mahimo nga magdulot sang litik sa AFP. Sang Septyembre 1984, nagugyon ang Pentagon sa pormulang Armacost kag nagdesisyon nga



magsunod sa US State Department kag iban pang ahensya sang US sa paghulog sa iya. Sang temprano nga bahin sang 1985, ginpirmahan ni Reagan ang National Security Directive nga may ara nga siguradong plano nga ipahigad si Marcos.

Ginduso man ni Ka Joma nga kinahanglan nga bakkakon ang reaksyunaryo nga armadong kusog sang kaaway sa kaumhan kag palaparon ang hangaway sang banwa sa kritikal nga numero nga 25,000 riple kag isa ka gerilyang platon kada munisipalidad bilang nakabulig nga pagsaway sa plano nga maglunsar sang “estrategikong kontra-opensiba.”

Ang anti-pasista nga paghagunos naglab-ot sa pag-alsa sang banwa nga suportado sang rebelyon militar sang mga elemento sang reaksyunaryong AFP. Ang pagpursiger kag solidong pagpamuno sang Partido sa anti-pasistang kahublagan kag rebolusyonaryo nga armadong paghimakas ang nagtuga sang paborableng mga kundisyon nga naglab-ot sa pagpatalsik sa diktaduryang US-Marcos sang 1986. Sa pihak sang mabaskog nga pagpamatuk sang US kag reaksyunaryong establisimyento sa depensa, natulod ang rehimeng Aquino nga buksan ang pwertahan sang ginakangil-aran nga bartolina ni Marcos para mahilway si Ka Joma.

Wala siya nag-uyang sang panahon kag gilayon nagbalik sa hilikuton rebolusyonaryo. Sa sulod lang sang pila ka bulan, nakalunsar siya sang mayor nga serye sang lektura para ilatag ang kritikal nga makasahing pag-analisa sa rehimeng Corazon Aquino kag ibuyagyag ini bilang representante sang nagahari nga dakung burgesya kumprador kag agalon nga mayduta. Ang serye sang mga lektura nga sang ulihi nagbug-os sa Krisis kag Rebolusyong Pilipino nga nagbanggi sa pag-analisa sang “pangpulitika nga ispektrum” sang mga populista nga naglarawan sa rehimeng Aquino nga burges-liberal para iduso ang mga rebolusyonaryong pwera sa dalan sang makasahing kolaborasyon kag kapitulasyon.

Naglunsar ang mga populista nga ini, lakip ang iban pang nagapakuno-kuno nga maalam, sang kampanya para gub-on ang basehang pag-analisa sa mga sahi kag sistema sa produksyon sa Pilipinas para hatagan sang rason ang magamo nga konsepto sang isa ka strategikong kontra-opensiba nga hubog nga nagalaum nga makalukso ang inaway banwa pakadto sa strategikong kadalag-an nga nagalaktaw sa ginalauman nga istorikong dalan sini. Pila ka yabi nga lider sang Partido kag rebolusyonaryong pwera ang naganyat sa

mapangwasak-sa-kaugalingon nga dalan sang insureksyunismo kag adelantado nga regularisasyon kag adbenturismo militar. Magadulot ini sa ulihi sang malala kag halos makamamatay nga kapaslawan sa Partido kag BHB, amo man sa hublag masa sa kasyudaran.

Pilit nga nadistyero si Ka Joma sang 1987 sang kanselahon sang rehimeng Aquino ang iya pasaporte kag mga papeles para makabyahe, kag nagpangayo sang pangpulitika nga *asylum* sa The Netherlands samtang didto siya para maghatag sang mga lektura. Nagpuyo siya sang ulihi sa Utrecht kag nagpasakop sa hilikuton sang mga kaupod sa internasyunal nga upisina sang National Democratic Front. Bisan pila ka libo nga milya ang kalayuon sa Pilipinas, padayon niya nga ginpabilin ang iya hugot nga pagpakig-angut sa mga lider sang Partido sa pungsod kag naghatag sang mga laygay kag ubay para buligan sila sa ila nga hilikuton.

Si Ka Joma ang isa sa pinakamalig-on nga tagasakdag sang Ikaduha nga Dunganong Kahublagan Panadlong nga ginlunsar sang ika-10 Plenum sang Komite Sentral sang PKP sang 1992. Aktibo nga ginpangayo sang pamunuan sang Partido ang ihibalo kag pag-analisa nga teoritikal ni Ka Joma. Sa paghanda sa yabi nga dokumento sang Liwat nga Palig-unon ang Aton nga mga Sandigan nga Prinsipyo kag Tadtungon ang mga Kasaypanan, nakighinun-anon ang pamunuan sang Partido kay Ka Joma kag sa mga dokumento sa pagtukod sang Partido nga iya nga ginsulat. Sa lubos nga suporta ni Ka Joma, gin-isa kag ginpabaskog sang kampanya sang pagpanadlong sang 1992-1998 ang Partido sa labi nga mas mataas nga lebel.

Yabi man ang papel ni Ka Joma sa pagsulat sang Manindugan Para sa Sosyalismo batuk sa Modernong Rebisyunismo nga naghatag kasanag sa dalan sang sosyalistang rebolusyon sang madulom nga panahon sang lubos nga pagpanumbalik sang kapitalismo sa Soviet Union sang 1990 nga ginbansagan sa monopolyo kapitalista nga masmidya nga pagbagsak sang sosyalismo, paglupok sa bula sa komunismo, kag “katapusan sang kasaysayan” kag ulihing kadalag-an sang sistemang kapitalista.

Salaming sang matalom nga Maoistang kritika ni Ka Joma sa modernong rebisyunismo, ang dokumento nga nagsaysay sang maathag nga istorikong paghangup sa proseso sang kapitalista nga pagpanumbalik sa USSR halin 1956. Nagserbi ini nga yabi sa paghangup sa nagapadayon nga kahustuhan sang sosyalismo, kag inspirasyon sang proletaryong Pilipino nga maghimakas sa duha-ka-halintang sang rebolusyon, kag sang pangkalibutanon nga proletaryo nga isulong ang sosyalistang kawsa.

Ang base ni Ka Joma sa Utrecht sang ulihi nangin sentro sa pulitika sang internasyunal nga mga kahublagan komunista kag paghimakas anti-imperyalista. Nagtungod siya sang importanteng papel sa pagsaulog sa sentenaryo ni Mao Zedong sang 1993 nga nagserbi nga aktibo nga kampanya sa ideolohiya para liwat nga palig-unon ang mga panan-awan nga Marxista-Leninista kag para itib-ong ang Maoismo bilang ikatlo nga pangkasaysayan nga halintang sang pag-uswag sang Marxismo-Leninismo.

Tubtob sa temprano nga bahin sang 2000, nagtungod siya sang nagapanguna nga papel sa pagtukod sang International Conference of Marxist-Leninist Parties and Organizations (ICMLPO) nga

Programa-pasidungog sang mga kaupod sa Bicol para kay Ka Joma



nagserbi nga sentro sang pagbuligay sa ideolihiya kag praktika sa kubay sang mga partido komunista kag mamumugon nga nanindugan para sa sosyalismo kag pagpakamalaut sa modernong rebisyunismo. Naghatag siya sang signipikante nga kaalaman kag praktikal nga bulig sa madamo nga partido komunista halin sa Asia tubtob Europe kag tubtob America.



Sa nagligad nga ulihi nga dekada, ginpamunuan niya ang International League of Peoples' Struggles o ILPS nga nagserbi nga sentro sa koordinasyon para sa anti-imperyalista nga mga kahublagan sa bilog nga kalibutan. Ginsulat niya ang "Hinggil sa imperyalistang globalisasyon" sang 1997 nga nag-athag nga nagapabilin ang proletaryado sa panahon sang imperyalismo kag sosyalistang rebolusyon.

Bangud sa iya papel sa pag-ubay sa pagsulong sang internasyunal nga anti-imperyalistang paghimakas, gin-itan sang imperyalismong US si Ka Joma. Ginlakip siya sa listahan sang US sang "dumuluong nga terorista", upod ang PKP kag BHB. Sa edad nga 68, gin-aresto siya sadtong 2007 sang mga pulis sang gubyernong Dutch kag ginkulong sang masobra 15 adlaw.

Umpisa 1992, upod ang NDFP Negotiating Panel, maayo nga gintiglawas ni Ka Joma ang interes sang pumuluyong Pilipino kag rebolusyonaryong hublag sa pagpakignegosasyon pangkalinungan sa magkasunod nga tiglawas sang Gubyerno sang Republika sang Pilipinas. Gintalana siya nga Chief Political Consultant sang NDFP Negotiating Panel kag maayo nga gin-ubayan sini ang pakignegosasyon sa GRP sa nagligad nga 25 tuig.

Sa nagligad nga ulihing mga tuig, padayon nga naghatag si Ka Joma sang tuman ka malahalon nga kinaalam sa lokal nga krisis kag sitwasyon sang rebolusyonaryong pwersa. Padayon siya nga nagahatag sang adbays sa Partido kag rebolusyonaryong pwersa sa Pilipinas sa pagresolba sa mga problema sa pagpasulong sang rebolusyon sa bag-o kag mas mataas nga lebel.

Nagpresentar siya sang kritikal nga mga pag-analisa sa obhetibong kahimtangan pangkalibutanon. Naghatag siya sang kritika nga Marxista-Leninista sa kapitalistang krisis sang sobra nga produksyon nga ugat sang internasyunal nga krisis pangpinansya kag malawigan nga depresyon nga nagatay-og sa

pangkalibutanon nga sistemang kapitalista. Liwat niya nga ginpalig-on nga kita nagapabilin sa makasaysayan nga halintang sang imperyalismo, ang ulihi nga halintang sang krisis sang kapitalismo.

Si Ka Joma ang tagatib-ong sang sulo sang pangkalibutanon nga kahublagang komunista. Sa madulom nga panahon sang pagpanumbalik sang kapitalismo, ginpabilin niya nga nagadabdab ang kalayo sang Marxismo-Leninismo-Maoismo kag naghatag inspirasyon sa proletaryado nga hingalitan ang krisis sang pangkalibutanon nga kapitalismo, magpursiger sa dalan sang sosyalismo kag komunismo kag dalhon ang pangkalibutanon nga rebolusyong komunista sa bag-ong tsapter sang liwat nga pagbuhi kag panibag-ong kapagsik.

Mga resolusyon:

Gin-aprubahan sang Ikaduha nga Kongreso sang Partido Komunista ng Pilipinas (PKP) nga ihatag ang pinakamataas nga pasidungog kay Kaupod Jose Maria Sison, dungganon nga komunistang mangin-alamon, lider, titser kag ubay sang proletaryong Pilipino kag tagatib-ong sang sulo sang pangkalibutanon nga kahublagan komunista.

Bilang pagkilala sa daku nga kontribusyon ni Ka Joma sa rebolusyong Pilipino kag pangkalibutanon nga kahublagang mamumugon, gin-aprubahan man sang Ikaduha nga Kongreso:

1. nga manduan ang Komite Sentral nga padayunon ang pagpangayo sang kinaalam kag laygay ni Ka Joma sa madamo nga aspeto sang hilikuton sang Partido sa patag sang ideolohiya, pulitika kag organisasyon.
2. nga iendorso ang lima ka bolyum nga mga sinulatan ni Jose Maria Sison bilang basehan nga reperensya kag materyal sa pagtuon sang PKP kag buyukon ang bilog nga katapuan sang Partido kag rebolusyonaryong mga pwersa nga basahon kag tun-an ang mga sinulatan ni Ka Joma.

Ginpat-ud ang Ikaduha nga Kongreso sang Partido Komunista ng Pilipinas (PKP) nga sa kabang-manggad nga Marxista-Leninista-Maoista nga ginpundar ni Ka Joma sa nagligad nga lima ka dekada sa rebolusyonaryong praktika, maayo nga naarmasan ang Partido para pamunuan ang pungsodnon demokratikong rebolusyon sa mas mataas nga lebel kag lubos nga kadalag-an sa maabot nga mga tuig.



MABUHI ANG HANDUMANAN NI KA JOMA! PABASKUGON ANG PARTIDO KAG ISULONG ANG REBOLUSYON!

Editoryal
Disyembre 21, 2022

Pinasahi nga pasidungog ang ginahatag sang bilog nga Partido kag rebolusyonaryong hublag kay Kaupod Jose Maria Sison (Amado Guerrero), tagapundar nga tagapangulo sang Partido Komunista ng Pilipinas, kag pinakadungganon nga Pilipino kag lider rebolusyonaryo sang nagligad nga siglo. Sa madugay nga panahon, si Ka Joma ang nagserberi nga ubay kag iwag, mapag-on nga balwarte kag sandigan sang Partido kag rebolusyong Pilipino.

Si Ka Joma sampaton sa Marxismo-Leninismo-Maoismo, ang ideolohiya sang proletaryado. Ginpangunahan niya ang liwat nga pagtukod sang Partido kag pagpanibag-ong kusog sang rebolusyong Pilipino. Gin-analisa niya ang basehang kinaiya sang malakolonyal kag malapyudal nga sistema sa Pilipinas, ginhayag ang tatlo ka salot nga imperyalismo, pyudalismo kag burukrata kapitalismo nga mayor nga nagaulipon sa malapad nga masang Pilipino, kag gintudlo ang dalan sang pungsodnon-demokratikong rebolusyon bilang dalan padulong sa paghilway sang pumuluyo halin sa kaimulon kag kapigusan.

Tanan nga bahin nga ginpabaskog ni Ka Joma ang Partido. Gintudluan kag ginhanas niya ang linibo nga kadre sang Komite Sentral, mga sentral nga organo

kag mga pangrehiyong komite sang Partido, nga namuno sa pagpalapad kag pagpabaskog sang Partido sa bilog nga pungsod. Ginpangunahan niya ang pagpundar sang Bagong Hukbong Bayan sang 1969 kag ginhanas kag gin-ubayan ang unang kubay sang mga Pulang kumander kag hangaway sini. Ginpamunuan niya sang 1973 ang pagtukod sang National Democratic Front (NDF). Sa iya pagpamuno, daw kalayo sa kacognan nga naglapta ang inaway banwa sa bilog nga pungsod.

Sang madakup sang kaaway, siyam ka tuig siya nga gintortyur sa bartolina sang mga pasistang ahente, pero nangibabaw ang iya rebolusyonaryong diwa. Nahilway siya sang nabungkag ang diktadurya ni Marcos nga ginbunalan sang makagagahum nga balod sang paghimakas sang banwa kag armadong paghimakas.

Napwersa nga madistyero si Ka Joma sang 1987 pagkatapos bawion ang iya pasaporte agud abangan nga makapauli sa pungsod. Masobra 35 tuig siya nga nangabuhi nga simple sa The Netherlands sa isa ka gamay nga apartment upod ang iya pamilya, kag sa pag-inakup sang mga migranteng mamumugon nga Pilipino. Malayo man, malapit gihapon siya sa rebolusyong Pilipino kag nagahatag sang matanlas nga pag-analisa kag napanahon nga ubay.

Nangin bentaha sa rebolusyonaryong kahublagang Pilipino ang iya pagkadistyero nga naghatag sang kahigayunan kag tion nga labing pauswagon ang teorya sang rebolusyong Pilipino base sa nalab-ot sini nga praktika. Sang magtalang ang dalan sang Partido, si Ka Joma ang iwag nga nagserbi nga ubay para sa Ikaduha nga Dungganong Kahublagang Pagpanadlong.

Nagserbi siya adbayer sang NDF sa pakigsugilanon pangkalinungan sa Gubyerno sang Republika sang Pilipinas (GRP) kag maayo nga gin-ubayan ang paghimo sang makasaysayan nga mga kasugtanan sandig sa katuyuan nga agumon ang makatarungan kag pangmalawigan nga kalinungan. Gani wala siya gin-untatan sang mga militaristang gaway sang imperyalismong US, nga kontra sa pagpaninguha nga lubaron sa sugilanon ang mga pangkatilingban kag pang-ekonomya nga ugat sang gera sibil.

Ginpaaresto siya sang 2007 sa himu-himo nga kaso nga ginbasura sang ulihi bangud wala ini sang basehan. Ginmarkahan siya nga “terorista” sang US kag sang mga papet sini, isa ka akusasyon nga ginbasura sa korte sa Europe sang 2009. Paliwat-liwat siya nga ginaakusar nga utok sang pagbomba sa Plaza Miranda (1971) bisan ginbasura na ini sang isa ka korte sa Maynila sang 1994 bangud wala sang ebidensya. Indi maayuan nga sa kasaysayan sang Pilipinas, wala sang makalabaw sa nahimuan ni Ka Joma nga pagpukaw sa pumuluyong Pilipino para magtindog kag magbato. Minilyon nga mamumugon, mangunguma, mga petiburges nga intelektwal kag mga ordinaryong empleyado kag propesyunal sa bilog nga pungsod ang nagbangon, naghiliusa kag naghulag sa idalom sang pulang bandera kag sulo sang rebolusyon. Tanan nga aktibista nga pungsodnon-demokratiko, Pulang hangaway kag kadre sang Partido nag-umpisa nga mapukaw kag matandog sa “Katilingban kag Rebolusyong Pilipino” (KRP), ang pinakakumprehensibo nga pag-analisa sa kasaysayan kag kahimtangan sang pungsod.

Bangud sa iya pagpamuno, indi mapalong nga kontribusyon, kag paghalad sang bug-os nga kabuhi para sa pagsulong sang rebolusyong Pilipino para sa tunay nga pungsodnon nga kahilwayan kag demokrasya, si Kaupod Jose Maria Sison isa ka dungganon nga baganihan sang pumuluyong Pilipino. Tunay siya nga pinakadungganon sa tanan. Sa iya pagtaliwan,



ginbilin ni Ka Joma sa Partido ang isa ka bulawanon nga kaban sang manggaranon nga teorya sang rebolusyong Pilipino.

Gamiton kag labing pauswagon naton ini sa praktika subong kag sa palaabuton nga pagsulong sang demokratikong rebolusyon sang banwa tubtob sa sosyalistang rebolusyon. Ang indi basta madula nga inggat sini magaserbi nga iwag naton sa pagsulong sa masiok nga dalan. Ipabilin nga Pula ang iya dungganon nga handumanan kag ginpapanubli. Malig-on nga padayunon ang rebolusyon nga ginsuguran niya upod ang aton mga dungganon nga martir kag baganihan.


Magpakasampaton kita sa mga teorya kag leksyon nga ginbilin ni Ka Joma. Tigayunon naton ang kahublagan para balik-tun-an ang iya mga sinulatan, halin sa KRP tubtob sa “Lima ka Bolyum” nga koleksyon sang iya mga artikulo. Hugton ang paghakos sa Marxismo-Leninismo-Maoismo nga amo ang makasahing panindugan, panan-awan kag pamaagi sang pag-analisa kag pagpamensar ni Ka Joma. Ang hugot nga paghakos naton sa iya mga ideya kag ubay ang isa sa yabi sa labing pagsulong sang rebolusyong Pilipino sa palaabuton nga panahon.

Ang Partido Komunista ng Pilipinas dungganon. Sang liwat ini nga gintukod ni Ka Joma, nahibal-an niya ang katungdanan sang Partido bilang abanteng destakamento sang sahing proletaryado nga mamuno sa halintang sang bag-o nga demokratikong rebolusyon, kag sa bilog nga istorikal nga panahon sang sosyalistang rebolusyon padulong sa komunistang katilingban. Pagasakupon sini ang panahon nga labaw sa kabuhi sang isa ka tawo o pila ka henerasyon.

Nangin mapalad ang Partido nga naglawig ang kabuhi ni Ka Joma kag masobra anum ka dekada nga namuno kag naghatag-ubay sa praktikal nga kahublagan. Sa Ikaduha nga Kongreso sang 2016, ginsaluduhan kag ginpasalamatan sang Partido si Ka Joma.

Sa panahon nga buhi si Ka Joma, pila ka nagbulos-bulos nga mga kadre nga iya ginhanas ang nag-uyat sa pagpamuno sang Partido.

Pat-ud nga pila ka henerasyon pasang mga kadre sang Partido—posible ang iban wala pa mabun-ag—ang magabasa kag magatuon sa mga sinulatan ni Ka Joma, upod ang kanday Marx, Engels, Lenin, Stalin, Mao kag magahakos kag magapamuno sa dungganon nga kawsa sang proletaryado.



“ Itib-ong naton subong nga adlaw si Ka Joma nga pinakadungganon nga baganihan sang pumuluyong Pilipino sa nagligad nga siglo sang ila paghimakas batuk sa imperyalismo. Indi tubtob san-o mapanas ang tuman kadaku nga amot sa paghatag korte sa kamuklatan nga patriyotiko kag rebolusyonaryo nga pumuluyong Pilipino kag paghawan sang dalan padulong sa pungsodnon kag pangkatilingban nga paghilway. ”

*Pinakamataas nga pagsaludo sa aton mahal nga Ka Joma
Komite Sentral, Disyembre 17, 2022*